



Broj: 07-04-02-1624/24
Sarajevo, 18.01.2024. godine

KANTON SARAJEVO
Ministarstvo komunalne privrede, infrastrukture,
prostornog uređenja, građenja i zaštite okoliša
- o v d j e -

Predmet: Inicijativa, d o s t a v l j a s e

Ovim putem, Ministarstvo privrede Kantona Sarajevo podnosi Ministarstvu komunalne privrede, infrastrukture, prostornog uređenja, građenja i zaštite okoliša Kantona Sarajevo sljedeću Inicijativu sa obrazloženjem.

Inicijativa:

Potrebno je provesti proceduru donošenja Zakona o Fondu za zaštitu okoliša Kantona Sarajevo.

Obrazloženje:


Shodno odredbama člana 9. Zakona o ministarstvima i drugim organima uprava Kantona Sarajevo ("Službene novine Kantona Sarajevo" broj 40/22) propisano je - da Ministarstvo komunalne privrede, infrastrukture, prostornog uređenja, građenja i zaštite okoliša vrši upravne i stručne poslove utvrđene ustavom, zakonom i drugim propisima koje se odnose na ostvarivanje nadležnosti Kantona Sarajevo, pored ostalog, u oblasti zaštite okoliša. Članom 2. stav (2) Zakona o Fondu za zaštitu okoliša Federacije Bosne i Hercegovine ("Službene novine Federacije Bosne i Hercegovine", broj 33/03) propisano je sljedeće: "Pitanja koja se odnose na osnivanje, djelatnost, upravljanje i ustroj fondova od značaja za kantone i njihove organe uređuju se zakonom kantona". Dakle, ovom odredbom ovog Zakona predviđeno je osnivanje, djelatnost, upravljanje i ustroj kantonalnih fondova za zaštitu okoliša. Članom 25. ovog Zakona, pred ostalog, propisano je, kako slijedi: Stavom (1) ovog člana propisano je da će sredstva prikupljena u Fondu za zaštitu okoliša Federacije Bosne i Hercegovine biti raspoređena između Federacije BiH i kantona u odnosu 30% spram 70% (Federacija 30% - kanton 70%); Stavom (2) ovog člana propisano je da su ukupno prikupljena sredstva iz svakog kantona posebno osnova za obračun sredstava, koja će se raspoređivati u skladu sa stavom (1) ovog člana; i Stavom (3) ovog člana propisao je da se sredstva Fonda za zaštitu okoliša Federacije Bosne i Hercegovine, u skladu sa st. (1) i (2) ovog člana, uplaćuju kantonalnim fondovima za zaštitu okoliša (ukoliko su uspostavljeni), odnosno budžetima kantona, odmah po dospijeću u Fond za zaštitu okoliša Federacije Bosne i Hercegovine. Dalje, kad je u pitanju oblast zaštite okoliša u Kantonu Sarajevo treba navesti činjenicu - da je, temeljem člana 13. stav (1) tačka c) Ustava Kantona Sarajevo ("Službene novine Kantona Sarajevo", br. 1/96, 2/96 - Ispravka, 3/96 - Ispravka, 16/97, 14/00, 4/01, 28/04, 6/13 i 31/17), "politika zaštite čovjekove okoline" zajednička nadležnost Federacije Bosne i Hercegovine i Kantona Sarajevo.



Imajući u vidu naprijed navedeno zaključeno je - da postoje namjenska finansijska sredstva (iz člana 18. stav (1) ovog Zakona) za finansiranje aktivnosti i projekata u oblasti zaštite okoliša, da fond za zaštitu okoliša Kantona Sarajevo još uvijek nije uspostavljen, a koji je mogao biti uspostavljen i djelovati od 2003. godine, te da je ovaj subjekt, kao finansijska organizacija, neophodan za sistemsko djelovanje u oblasti zaštite okoliša. Stoga, Ministarstvo privrede Kantona Sarajevo podnosi Vam ovu Inicijativu koja se odnosi na osnivanje Fonda za zaštitu okoliša Kantona Sarajevo, te sa tim u vezi navodi sljedeće: Potrebno je, čim je prije moguće, provesti proceduru donošenja Zakona o Fondu za zaštitu okoliša Kantona Sarajevo, tako da se ovim Zakonom osnuje Fond za zaštitu okoliša Kantona Sarajevo, utvrdi ustrojstvo, organizacija, upravljanje i rukovođenje ovim Fondom, imovina i poslovanje ovog Fonda, izvori, namjena i način korištenja sredstava ovog Fonda, te uredi druga pitanja u vezi s pribavljanjem i upravljanjem sredstvima ovog Fonda iz nadležnosti Kantona Sarajevo. Ovaj Fond treba biti javna ustanova koja djeluje u skladu sa propisima koji regulišu rad ustanova, ako Zakonom o Fondu za zaštitu okoliša Kantona Sarajevo nije drugačije utvrđeno. Dalje, ovaj Fond treba imati svojstvo pravnog lica s pravima, obavezama i odgovornostima utvrđenim Zakonom o Fondu za zaštitu okoliša Kantona Sarajevo, drugim zakonima i Statutom ovog Fonda. Pravni osnov za donošenje Zakona o Fondu za zaštitu okoliša Kantona Sarajevo sadržan je u članu 13. stav (1) tačka c) i članu 18. stav (1) tačka b) Ustava Kantona Sarajevo ("Službene novine Kantona Sarajevo", br. 1/96, 2/96 - Ispravka, 3/96 - Ispravka, 16/97, 14/00, 4/01, 28/04, 6/13 i 31/17) i članu 2. stav (2) Zakona o Fondu za zaštitu okoliša Federacije Bosne i Hercegovine ("Službene novine Federacije Bosne i Hercegovine", broj 33/03).


Dalje, napominjemo Vam da, u vezi sa bilo kojim pitanjem i/ili dodatnoj saradnji po predmetnoj Inicijativi, Ministarstvo privrede Kantona Sarajevo stoji Vam na raspolaganju.

S poštovanjem,



Dostaviti:

1. Naslovu,
2. Evidencija i
3. a/a.



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-122, Fax: + 387 (0) 33 562-226
Web: <http://mp.ks.gov.ba>, E-mail: mp@mp.ks.gov.ba

2/2